

O LIXO DESDE O TEU CONCELLO

investiga

ecoauditoría de residuos
análise da bolsa do lixo

aprende

reciclaxe de papel
residuos e consumo
substituíndo os tóxicos no fogar
obradoiro de compostaxe
ambientalización de festas e/ou eventos

coñece

visita a planta de Lousame

disfruta

os xogos do lixo

crea

construción dun composteiro
fabricando cousas novas con residuos

Dende o programa “O lixo desde o teu concello” propóñense diferentes actividades de Educación Ambiental na Mancomunidade de Concellos da Serra do Barbanza co obxectivo de fomentar a redución, reutilización e reciclaxe dos residuos (os 3 Rs).

As actividades de educación ambiental consisten en charlas e obradoiros (60-90 minutos), que se adaptan ás idades dos e das participantes.

As actividades son gratuítas e para todos os públicos.

condicións para participar

Non esquezas que neste programa poden participar todas as entidades (*asociacións de veciñ@s, culturais, mulleres rurais, empresas, centros de ensino, comunidades de montes, etc*) dos Concellos da Mancomunidades do Barbanza que o desexen.

Non perdades esta oportunidade!

1. ecoauditoría de residuos

Actividade participativa na que se inspecciona o edificio no ámbito do lixo. A actividade consta de dúas sesións:

- Xornada de investigación, na que os/as participantes realizan unha inspección sobre a xestión de residuos no centro (2h)
- Xornada de presentación de resultados e procura de solucións para mellorar a separación de residuos (1h)

Axuda a comprender dunha maneira práctica a correcta xestión dos residuos. Pensas que o teu centro pasará a proba?

2. reciclaxe de papel

Cuns xornais vellos e auga, fábrícase papel novo, demostrando que a reciclaxe é viable se colaboramos e separamos axeitadamente os residuos.

No obradoiro faise fincapé da importancia da reciclaxe para os bosques, a auga e a enerxía.

Estades preparad@s para comprobar o sinxelo que é?

3. fabricando cousas novas con residuos

Actividade orientada para traballar o segundo dos 3 Rs a reutilización. Elaborase obxectos útiles (ou *xoguetes* cos máis cativos) con residuos domésticos que ían acabar no lixo.

Neste obradoiro dásele unha segunda vida antes da súa reciclaxe.

Anímate a facer cousas fantásticas!

4. substituíndo os tóxicos no fogar

Na vida cotiá utilízanse moitos produtos para a limpeza sen saber realmente o que levan, con este obradoiro aprendemos a recoñecer os compoñentes tóxicos que presentan e amosamos a súa alternativa ecolóxica; substitutivos como *limpadores multiusos, ambientadores, pasta de dentes, etc.*

Cantos produtos precisamos para limpar as nosas casas?

5. xogos do lixo

Dirixida as crianzas. Trátanse os 3 Rs mediante diferentes xogos onde se pretende que as nenas e nenos pasen un momento agradable e aprendan ao mesmo tempo. Para iso xogan cuns brinquedos feitos con material de refugallo participando na “Olimpíada do lixo” ou no “ Xogo de separación”.

Quen será o/a mellor reciclando?

6. análise da bolsa do lixo

Actividade na que se analiza o contido dunha bolsa de lixo.

O obxectivo deste obradoiro é tomar consciencia do lixo que producimos e a tipoloxía, a importancia de reducir e como facer unha boa separación en orixe.

Como tiramos o lixo?

7. construción dun composteiro

Facemos un composteiro con material reciclado para xestionar os residuos orgánicos do centro de ensino, asociación, horta comunitaria...

Tamén explicamos o seu funcionamento

A que esperas para compostar?

8. obradoiro de compostaxe

Dirixido a agrupacións ou centros que xa posúen un composteiro.

Servirá para comprobar o correcto funcionamento do mesmo. Poderán realizarse diferentes actividades como *comprobación de temperatura, humidade, presenza de impropios, identificación de descompoñedores.*

Descobre o que acontece no teu composteiro!

Exposición sobre a compostaxe cunha visita guiada.

11 rollers. Duración 15 días

9. residuos e consumo

Actividade enfocada na relación entre a produción de residuos e unha cultura cada vez máis consumista. No obradoiro fálase do consumo relacionado cos nosos hábitos diarios, temos dúas opcións:

- O xogo *A nosa compra* (resaltando a importancia dun consumo moderado)
- Vídeo fórum sobre a temática do consumo e o lixo.

Serás capaz de mudar os teus hábitos?

10. ambientalización de festas e/ou eventos

Trátase de minimizar e separar os residuos durante as festas traballando conxuntamente cos colectivos locais e os concellos.

Constará de 4 sesións:

- 2 sesións de traballo coa comisión onde levar a cabo as tarefas de elaboración do material e a xestión da eliminación dos plásticos.
- 1 sesión previa á data sinalada, na que se procederá á colocación dos contedores e dos cartaces informativos.
- 1 sesión na xornada posterior á festa para a valoración do lixo separado.

Divertirse e axudar ao medioambiente van ligados!

11. visita a planta de Lousame

O programa “O lixo desde o teu Concello”
permite tamén
coñecer o tratamento do lixo máis de perto
grazas ás visitas guiadas na planta de Lousame.

Calquera persoa ou entidade (asociacións,
concellos, centros de ensino...) poderá coñecer
as instalación e o tratamento dos residuos.

Esta actividade é para maiores de 14 anos.

solicitude de obradoiros



ADEGA

Travesa de Basquiños, 9 baixo
15704 - Santiago de Compostela
981 570 099
residuos@adega.gal

solicitude de visitas á planta

Marta Domínguez Domínguez **FCC S.A**

Lugar da Poza, Servia
15212 - Lousame

A Coruña

981 191 240 / 628 276 448

mldominguezd@fcc.es

www.cmserradobarbanza.gal/contacta-visitas-guiadas/



COMPLEXO MEDIOAMBIENTAL
SERRA DO BARBANZA